

A Iardanes, eorum reginæ, quæ aliquando Mæonijs, nunc Lydijs dicuntur. Precium Iphicli filijs cum datum esset, pristina valetudine recuperata, Omphale feruens, omnes eius regionis latrones sustulit. Cecropas, qui dicebatur, predaones regioni infestos partim peremit, partim Omphalæ uiectos tradidit. Syleum, raptos à se uiatores ad opus uinearum cogentem, ligone percussum cecidit. Itonas latrocinantes, Omphalæ patriam compefcens, urbem eorum receptaculum expugnatam, captamq; diruit. Cognita Herculis uirtute, & quis esset, Omphale & liberum fecit, & ex eo genuit filium Lamonem. Susceperat uerò & antea seruus ex serua Cleolaum. Posthæc cum in Peloponnesum transcendisset, ad Troiam cum exercitu contra Laomedontem regem profectus est. Hic cum Iasone prius militauerat ad uellus aureû, promissisq; ob marinum monstrum à se occisum equis frustratus est. Quibus de reb. paulo post inter Argonautas dicemus. Iason cû bello occupatus, postmodû oportunitate capta Troianis arma intulit: cum nauibus, ut aiunt quidam, magnis decem & octo, ut Homerus tradit, sex, filiû Tlepolemû introducens dicentem, Herculem patrem equorû Laomedontis gratia cum sex nauib. paucisq; uiris Ilij cepisse ciuitatē, & uiris patriâ orbasse; ueniens ad Troiam Hercules cum copijs militû præcessit ad urbē, Oileo Amphiarai filio præfecto classis relicto. Laomedon, improuiso hostium incurfu præuentus, copias pro temporis angustijs comparatas, ad oppugnandas naues duxit, sperans, si illas incendisset, finem se bello positurum. His occurrens Oileus, commissio prælio occubuit: reliqui ad naues refugientes, classem procul à terra abegerunt. Laomedon reuersus, inito prope urbem cum Herculis exercitu prælio, & ipse & multi præterea pugnantes cecidere. Hercules uictpa urbe, multos iure belli interfecit. Priamo (solus enim filiorû patri cõsulerat, equos Herculi pollititos tradendos) quoniã iustus uideretur, regnum Iliensiu permittit. Telamonem coronauit ob egregia uirtutis merita, tradita ei Hesiõne Laomedontis nata. Hic enim uic primus urbem intrarat, cum Hercules firmillimâ muri arcis partē aggredederetur. Deinde rediens in Peloponnesum, militauit ob negatû præmiû aduersus Augeam. Comissa cum Eliensibus pugna, re infecta ad Olenum redijt. Huius filia Hippolyta cum Anaxionupliisset, cœnans cum cæteris in nuptijs Hercules, Eurytionem centaurum conspecta eius cui uim inferebat iniuria, interemit. Redeuntem in Tirynthum Herculem, Eurytheus ueluti sibi insidiantem accusans, ex Tiryntho unâ cû Alcmena Ephideaq; ac Iolao abire iussit. Coactus recedere, cum his ad Arcadiâ Pheneû diuertit. Inde motus cum audisset pompam ex Elide Neptuno ad Isthmû mitti, cuius Eurythus Augeæ dux erat, Eurythû iuxta Cleonem, ubi nunc est Herculis templû, necauit. Deinceps bello aduersus Elidem motus, occisoq; Augea rege, atq; urbe uic capta, Phileo Augeæ filio regnû tradidit. Fuerat hic antea à patre pulsus, quoniã arbiter in eum & Hercule factus, præmiû Herculi dandum censuisset. Hippocoonta postmodû ex Sparta pepulit, Tyndari fratrem. Eontû uerò Lycimini, Herculis amicû, Hippocoontis filij uiginti numero interfecerunt. Qua re incensus Hercules, cum exercitu illos adortus, acri comissa pugna, uictoria potitus est: plurimisq; eorû occisis, Sparta uic capta Tyndarû Castoris ac Pollucis patrem regem præfecit, statuens ut ad eius posteror regnû spectaret. Ex Herculis exercitu pauci admodû cecidere, in quæis strenui fuerunt uiri Iphitus, Typhæus, eiusq; decem & septem numero filij. Tres enim tantum ex uiginti superauerunt. Ex hostibus uerò & ipse Hippocoon & decem filij occubuerunt, magnusq; præterea Spartatarû numerus. Ab hac expeditione in Arcadiam regressus, ad Aleum regē diuertit. Ibi cum filiâ Augen ab se clam cognitam, grauidâ reliquisset, ad Stryphalon transijt. Aleus tumore uentris filia cognito, quaesuit, quis eam corrupisset; Ab Hercule, ut erat, uim (inquit illa) inferente. Fidem